

ЧАА-ХӨЛ КОЖУУННУҢ АК-ДУРУГ ОРТУМАК ШКОЛАЗЫ

2024 – 2025 өөредилге чылы

***Частың байырлалы март 8-ке
тураскааткан
мөөрей «Дангына»***

Тургускан башкы: Хомушку Чаймаа Климовна

Мөөрөй «Дангына»

Сорулгазы: Уругларның уран-талантызын илередип, сайзырадыры; уругларны мөзү – бүдүштүг база чараш чүүлдерге өөредири.

Киржикчилери: 5-11 класстың уруглары.

Дерилгези: баннерде аскан бижик, шариктер, чечектер, карточкалар, аялгалыг төп, микрофон.

Башкарыкчы башкы: Кежээкиниң мендизи-биле хүндүлүг, көрүкчүлөр.

Кайгамчыктыг үрде манаан частың башкы айында чылдың болуп эртер 5-11 класстарның уругларының аразынга «Даңгына» мөөрейин ажыттыңан деп чарладыыс!

Танцы «Аялгалыг ак-көк Тывам».

Ынчангаш мөөрейниң киржикчилерин сценаже адыш часкаашкыннары-биле уткуп аалыңар.

Саян сынның эдээн каастаан чечектер дег,

Таан чараш тыва кыстар - дангыналар,

Эткир, хоюг, тааланчыг, чымчак үннүг

Ээлгир чараш дурт-сынның даңгыналар.

1-ги киржикчи- өөредилгеге, спортка, танцы-самга салым-чаяанныг, дыңнангыр өөреникчи. Салган сорулгазын эчизинге чедирер, быжыг тура сорукут. Эмчи эртемин чедип алгаш, чонунга ачы-буянын көргүзүксээр.

2-ги киржикчи - кежээ, шүлүктээринге, чаагай чем кылырынга ынак. Күзели парикмахер болуксаар.

3-кү киржикчи – эш-өөрзүрек, топтуг-томаанныг, биче сеткилдиг, бүдүштүг, төрөөн черинге бердинген, чараш чаагай сеткилдиг кыс. Күзели башкы болуксаар.

4-кү киржикчи..... - танцылаарынга ынак. Оожум-топтуг, кежээ өөреникчи. Күзели артист болуксаар.

Ыры «Дангына».

5-ки киржикчи - эш-өөрзүрек, хөглүг баштак аажы-чаңныг, биче-сеткилдиг, шынчы чорукту үнелээр өөреникчи. Күзели юрист болуксаар.

6-гы киржикчи – салган сорулгазын эчизинге чедиреринге ынак, танцылаар салым-чаяанныг. Күзели ыраажы болуксаар.

7-ги киржикчи - өөредилгеге кызымак, авазының – бүзүрели, ачазының – чоргааралы. Келир үеде мал эмчизи болурун күзеп чоруур.

8-ки киржикчи – билиглерже чүткүлдүг, ырлап-танцылаарыңа ынак киж. Күзели прокурор болуксаар.

9-ку киржикчи - быжыг тура-соруктуг, хүндүлээчел, чоок кижилериниң бүзүрелдиг чөленгиижи болурун кызар. Күзели фермер болуксаар.

Башкарыкчы башкы: Мөөрейниң шииткекчилери - жюри кижигуннери-биле таныштырар-дыр бис.

Хүндүлүг жюриниң кижигуннери:

Кол шииткекчи: _____

Кижигуннери: _____

Башкарыкчы башкы: 1-ги мөөрей «Бодун таныштырары». Ынчангаш мөөрейниң бирги чадазын эгелээр-дир бис. Киржикчи бүрүзү бодун таныштырып бараалгадыр.

Башкы: Хостуг үе тыпты бээрге, холдары чер анаа орбас.

Чүң ээрер, аргыыр, даараар, кижээ, шевер даңгыналар.

Удазынга ораашпас-даа, уран кыстар, тыва кыстар.

Угундан ус, уран холдуг, уругларга улуг хүндү!

Мөөрейниң 2-ги чадазы «Чогаадыкчы чорук мөөрейи»

Уруг бүрүзү бажыңыңа онаалга белеткеп алган болур.

Башкарыкчы башкы: Мөөрейниң 3-кү чадазы «Сагынгырлар мөөрейи».

(карточкалар шилип аар)

1.Боорзакты быжыраарын чугаалаар.

2.Огурецти канчаар дузаарын чугаалаар.

3.Далган үскен мүннү канчаар кылырын кысказы-биле чугаалаар.

4.Манчыны кылырын чугаалаар.

5.Блины быжыраарын чугаалаар.

6.Чаагай кадыкты хайындыраарын чугаалаар.

7.Торт быжыраарын чугаалаар.

8.Сүттүг шайны хайындыраарын чугаалаар.

Башкарыкчы башкы: 4-кү чада «Пародия. Уран талант».

Танцылап ойнай бээрге, тыва кыстар таан чараш,

Тоолдарда даңгына дег, тывызыксыг хуулгаазын.

Баштак көргүзүг «Көдээ черден келген кыс».

Башкарыкчы башкы: 5-ки чада «Спортчу мөөрей». Спортчу хевин кедип алган чараш киржикчилеривисти дөрже чалап, бисти өөртүп, бараалгап бээринче чалап тур бис.

Башкарыкчы башкы: Дараазында мөөрейивистиң сөөлгү чадазы «Тыва хевим – чоргааралым».

Башкарыкчы башкы: Мөөрейивис мооң-биле доозулду. Мөөрейниң түңнел кезээнче кирер-дир бис. Жюри түңнеп турар аразында мөөрейниң киржикчилеринге байыр чедирер улус бар болза сценаже үнүп кээр. Көрүп келгениңер дээш улуу-биле өөрүп четтирдивис.